



IO. CHRISTIANI
SCHROETERI

PROFESSORIS PVBLCI, CVRIÆ PROVINCIALIS,
SCABINATVS ATQVE FACVLTATIS IVRIDICÆ
ADSESSORIS, HOC TEMPORE DECANI

PROGRAMMA.

LECTIONI AVSPICALI

PAVLI GVILIELMI
BRVCKNERI,

CANDIDATI IVRIVM CLARISSIMI PRÆMISSVM.



J E N Æ,
LITTERIS MVLLERIANIS.

IO. CHRISTIANI
SCHROETTERI

PROFESSORIS PUBLICI CIVIS PROVINCIALIS
SACRAE THEOLOGICAE FACULTATIS VICE
RECTORIS HONORIS DOCTORIS

PROGRAMMA

LECTIONIS ANNUALIS

PAULI GUILIELMI
BRACKNERI

ORATIONIS CLARISSIMI PRAESIDENTIS



LITTEAE PUBLICAE



legum auctores adstruere possessionem conductoris videntur. Vlpianus enim, colonum naturaliter possidere, palam proficitur in l. 7. §. 11. D. Commun. diuid. & cum alibi monuisset, aduersus POSSESSOREM ad exhibendum agi, non solum eum, qui ciuilitate, sed & eum, qui naturaliter incumbat possessioni l. 3. §. ult. ad Exhibend. Pomponius appo-
 fito exemplo conductoris id confirmat, subiiciens: nam & cum eo, cui locata res sit, agi posse. l. 4. ad Exhibend. Naturaliter autem conductorem possidere dicit, natura enim possessionis in ipso tenendi actu potissimum cernitur, atque in ipsa positione & cessione: neque ulla eius species est, quæ aliunde possit incipere, quam a naturali & corporali rei apprehensione, atque hanc per conductorem non modo fieri, sed & assiduo vsu continuari, constat, quem ipsum rei vsu, possessionem alibi iureconsultus dicit. l. 15. de verb. signif. Proprius tamen spectata possessionis indole, alienam esse hanc, quæ locatæ rei possessionem conductoribus adstruit, a veritate sententiam facileprehendimus. Tametsi enim possessio, generali suo complexu quamuis detentionem, etiam simplicem tantum, denotet, sensu tamen iuris, eam demum detentionem vere possessionem dicimus, quæ cum affectione rem sibi habendi coniuncta est. Hinc qui alienam rem ut alienam tenent, possidere non dicuntur, etiamsi detentionis suæ iustam habeant causam. Nec, quod dicitur, possessionem esse apprehensionem rei, cuius proprietates ad nos non pertinet, aliud innuit, quam quod proprietates nihil habeat commune cum possessione. l. 12. §. 1. D. de Acqu. vel am. poss. Ut appareat, qualis sit possessio quæ non ratione tantum & natura, sed etiam re & actu a proprietate seuncta est: cum de cæteris, vtrum res mea sit, quam possideo, an aliena, nihil referat, dummodo rem alienam, non ut alienam, sed animo eam mihi habendi, possideam. Vnde cum conductor rem conductam animo isto haur teneat, non sibi, sed locatori potius, cuius agrum ea conditione colit, ut ei pensionem statim temporibus præstet, possidet, l. 16. D. de Per. & comm. 461



*rei. vend. l. 25. §. 1. l. 37. D. de Acqu. vel am. poss. siue, ut Celsus loquitur, detentione sua locatoris possessioni præstat ministerium. l. 18. pr. de Acqu. vel amit. poss. Generaliter enim quisquis omnino nostro nomine sit in possessione, nos possidere videmur. l. 9. D. d. t. eos autem possessores non conuenit appellari, qui ita tenent rem, vt ob hoc ipsum solitam debeant præstare mercedem. l. 2. C. de Præscr. 30. vel 40. ann. Conductor ergo proprie non possidet, sed habet ius vtendi fruendi: verum quia in prædio conducto est, & in possessione, hoc est, corpore & naturaliter possessioni incumbit, possessor esse naturalis, eamque possessionem locatori restituere dicitur. Atque hoc sensu sunt quidem & colonus & inquilinus in prædio, sed tamen non possident l. 2. §. 6. D. de Precar. neque aut viuo, aut mortuo domino, ullam possessionem habent. l. 33. §. 1. D. de Vsurp. & vsucap. vtut eius rei possessionem, cuius ipsi non habent, alii tradere possint. l. 21. pr. D. de Acqu. vel am. poss. Fidem & firmamentum his, quæ diximus, conciliat, quod conductio probet possessionem non conducentis, sed contra conducentem, & conducens scienter rem propriam ab alio, proprio facto cadere possessione, eamque amittere dicatur. l. 19. pr. l. 21. §. f. l. 28. D. de Acqu. vel am. poss. quodue conductori longa possessionis præscriptio non acquiratur. l. 1. C. Commun. de Vsurp. Sed nec interdicta conductori contra locatorem, vel etiam contra alios, nisi ex cessione locatoris competere verius est: prædicum enim remedium, quod ex officio iudicis nobili, si in sua detentione turbentur, vel forte expellantur, illis tribui solet, æquitate & vsu magis nititur, quam scripto iure, quippe quo actio prodita non est, qua conductor de possessione experiri possit, nisi contra locantem, vt is agat contra eum, qui vel turbauit, vel spoliavit ipsum, ceu quidem cum veterum prædicorum principe, Bartolo, pluribus adstruunt Stephanus Gratianus *Discept. for. Tom. I. cap. 224. n. 26.* Textor *Decis. 79.* aliique. Nobis hæc præmississe suffi-*

sufficiat auspicalibus prælectionibus, quas instituet summorum in utroque iure honorum candidatus clarissimus

PAVLVS GVILIELMVS BRVCKNER,

Natus is fuit hac in Salana Anno MDCXCII. die Martii primo, parentibus adhuc florentissimis. Patre quidem GVILIELMO HIERONYMO BRVCKNERO, Anrecesfore famigeratissimo, matre ANNA CHRISTINA, B. PAULI BECKERI, quo Consiliario aulico Serenissimus Dux Gothanus vsus est, & MAGDALENÆ ELISABETHÆ, nobili genere de Wild nate, filia natu minima. Carissimum parentes filium Seruatori nomen dare curarunt maxime. Deinde doctrinæ salubris capita instillari eidem, moresque eius effingi, allaborarunt. Quumque ad literas natura traheretur, mijsarum castra sequutus est, ducentibus inter alias præceptores fratribus LANGGVTHIIS, iam apud Erffurtensēs verbi diuini ministris, HEIDELMANNO, Secretario Saxo-Gothano, & PAPPRIZIO, officii apud concionem sacram candidato: quibus se multum debere profitetur. Sermonis latini integritatem elegantiamque a B. POSNERO, huius Doctore, accepit. Iam vero ad altiora progrediendum erat. Philosophiæ igitur penetralia intrauit celeberrimos huius Academiae doctores secutus, inter quos commemorat B. HAMBERGERVM, mathematica docentem, LEHMANNVMQVE, ad summe reuerendi BVDDEI lumine historiarum illustrantem Magnificum hoc tempore Academiae Rectorem, BVRCARDVM GOTTHELF STRVVIVM audiuit. Satis sic pro instituto Philosophiæ disciplinis instructus, Iurisprudentiæ studium, paterno consilio, & naturæ monitu ductus, aggressus est. Familiars hinc sibi institutiones Iustiniani reddidit, IO. BERN-

BERNHARDO FRISIO, Consiliario aulico atque Con-
 sistoriali Saxo-Isenacensi, vt & Antecessore Excellentissi-
 mo, CASP. ACHATIO BECKIO, Professore iuris æque,
 atque dicasterii prouincialis Aduocato Ordinario, meque
 ipso, explicantibus. Vberiore iuris civilis pariter, at-
 que Canonici, Publici, Feudalis, actuumque in iudiciis
 cognitionem, præeuntibus non solum priuatis Doctoribus
 Nobilissimis, HERTELIO, DIETMARO, STRVVIO-
 QVE iuniore; sed & publicis, Parente optimo, STRV-
 VIO & BECKIO, sibi comparauit. Tandem gratulatur
 ipse sibi de optata occasione legendi acta, quæ ad nos mit-
 ti solent, & quorum pater optimus sibi copiam fecit. Ad
 extremum, quum ad bene sese gerendum multum iuuet
 vrbes ac regiones visere, ante biennium BRVCKNERVS
 in Westphaliam profectus est: inde Wezlariam se con-
 tulit, supremum ibi iudicium imperii mirans: quo facto,
 Academiam Giessensium, Francofurtum, Mogun-
 tiam, Coloniam, pluresque ad Moenum & Rhe-
 num sitas vrbes oculis subiecit suis. Quibus relictis Hol-
 landiam adiit, Amstelodamum, Hagam, Lugdunum Ba-
 tavorum, Roterodamensium, reliquasque ciuitates sum-
 ma cum voluptate, quod fatetur, perlustrans. Per West-
 phaliam reuersus, Smalcedia optimam auiam, quam di-
 tissime incolumem & saluam sibi optat, visitauit, po-
 steaque patriam resalutauit. Vbi, parentis atque maio-
 rum vestigiis insistens, qui per duo ferme secula plerique
 Doctorum iuris titulo enituerunt, eundem honoris gra-
 dum a collegio nostro petere animum induxit. Cuius
 honestæ petitioni illud ipsum facile acquieuit, & ad exa-
 mina consueta illum admisit. In quorum vtroque ita in-
 dustriam & eruditionem suam nobis probauit, vt vno o-
 mnium & voto & suffragio conspirante, ad publica et-
 iam specimina edenda dignus iudicatus fuerit. Inter
 quæ quum sit lectio illa cursoria, quam collegii statuta,
 ea potissimum ratione serio exigunt, vt candidati aliis
 quo-



quoque proberit, se honores, quos expectant, mereri. Ileo crastini, Deo propitio, hora decima, notatu dignissimam illam Imperatorum constitutionem, legis vicissimæ quintæ, Cod. de locatione conductione, in Iureconsultorum Auditorio paucis explicabit. Vestram inde, Pro - Rector Magnifice, Pro - Rector Magnifice designate, Illustrissime Comes, Proceres omnium ordinum honoratissimi, Commilitones itidem æstumatissimi, reuerenter cupideque mecum exorat præsentiam, qui vicissim, quam propensissimi huius fauoris beneficium æstimemus, nullo non officiorum genere pro viribus testabimur. PP. die IV. Augusti, MD CC XX.



ULB Halle

003 948 404

3



Sb.







O. CHRISTIANI
SCHROETERI

19
1720, 15

PROFESSORIS PVBLCI, CVRIÆ PROVINCIALIS,
SCABINATVS ATQVE FACVLTATIS IVRIDICÆ
ADSESSORIS, HOC TEMPORE DECANI

PROGRAMMA.

LECTIONI AVSPICALI

PAVLI GVILIELMI
BRVCKNERI,

CANDIDATI IVRIVM CLARISSIMI PRÆMISSVM.



J E N Æ,
LITTERIS MVLLERIANIS.

